

გილოცავთ დამდეგ შობა-ახალ წელს



გილოცავთ დამდეგ შობა-ახალ წელს, კალანდას! ახალი 2023 წელი, ჩვენი ქვეყნისთვის, გურიის რეგიონისთვის და თითოეული მოქალაქისთვის ყოფილიყოს სი-ახლეების, კეთილდღეობისა და წარმატების მომტანი. გისურვებთ მშვიდობას და ჯან-მრთელობას!

გიორგი ურუშაია,

სახელმწიფო რწმუნებული ლანჩხუ-თის, ოზურგეთის, ჩოხატაურის მუნიცი-პალიტეტებში.



გილოცავთ დამდეგ 2023 წელს! გისურ-ვებთ მშვიდობას, უღვე სიხარულს, სიკე-თესა და წარმატებას თქვენ და თქვენს ოჯახებს! მშვიდობის, კეთილდღეობის, წინსვლის და გაძლიერების წელი ყოფილი-ყოს თითოეული ჩვენგანისთვის და სრული-ად საქართველოსთვის!

დავით ლარჩია

ოზურგეთის მუნიციპალიტეტის საკრე-ბულოს თავმჯდომარე.



გილოცავთ დამდეგ 2023 წელს, შობის დღესასწაულის მობრძანებას. უფლის წყა-ლობა და მადლი, წინსვლა და წარმატებები არ მოშლოდეს ჩვენს ქვეყანას.

მშვიდობის, სიხარულისა და სიკეთის მომტანი ყოფილიყოს თქვენთვის და თქვე-ნი ოჯახებისთვის.

ლავრენტი ბიზავა

ოზურგეთის მუნიციპალიტეტის საკრე-ბულოს თავმჯდომარის პირველი მოადგილე.

აკალიონი

გურია

უძველესი გაზეთი უახლესი ინფორმაციებით!

გაზეთი გამომდის
1931 წლის 5 იანვრიდან

საზოგადოებრივ-პოლიტიკური გაზეთი.
ყოველკვირეული გამოცემა. №34 (10445) 29 დეკემბერი 2022 წ. შპსი 80 თეთრი.

წინასახალწლო და-პირისპირება ოზურ-გეთის საკრებულოში



დაპუტატი თათია ნიკოლაიშვილი ოზურ-გეთის საკრებულოში განვითარებულ მოვ-ლენაზე ოპიკატურ გამოქიბას ითხოვს

ალიონი. 23 დეკემბერს გამართა ოზურგეთის მუ-ნიციპალიტეტის საკრებუ-ლოს სხდომა, სადაც წლის მთავარი დოკუმენტი – 2023 წლის ბიუჯეტის პრო-ექტი უნდა განეხილათ, თუმცა ტრადიციული და-პირისპირების გამო განხ-ილვა გარკვეული დროით შეფერხდა.

დაპირისპირება მას შემ-დეგ დაიწყო, რაც ნაციო-ნალმა დეპუტატებმა სა-ვადმყოფოში მყოფი მიხეილ სააკაშვილის მდგომარეობის ამსახველი ფოტოები გამოფ-ინეს და მისი პატიმრობაში ყოფნა გააპროტესტეს.

პარტიის თავმჯდომარე **დავით მუჟაანაძე** განაცხა-და, რომ ისინი ქვეყნის

ყოფილი პრეზიდენტის უმძიმეს მდგომარეობაში ყოფნას აპროტესტებდნენ და დარბაზის დატოვებას აპირებდნენ.

როგორც ჩანს, ფრაქცია „ქართული ოცნება-დემოკრა-ტიული საქართველოს“ წევრი დეპუტატების ნაწილი წინას-წარ იყვნენ ინფორმირებულე-ბი ნაციონალი დეპუტატების მოსალოდნელი ქმედების შესახებ და მათ წინა ხელი-სუფლებს დროს დაღუპული სანდრო გირგვლიანის, ბუტა რობაქიძის და სხვათა ფო-ტოები წარმოადგინეს.

დაპირისპირებამ საკრებ-ულოს თავმჯდომარის მა-გიდის წინა პერსპექტივი მოიკვა და იგი ძირითადად

ჩოხატაური მდგრადი ენერგეტიკული მოგავლისაკენ

ალიონი. ახალი წლის დადგომამდე სამიოდე დღე რჩება. 2023 წლის შესახ-ვედრად სამზადისია რე-გიონის სამივე მუნიცი-პალიტეტში.

საახალწლო სამზადისი აქტიურ ფაზაშია ჩოხატაუ-რის მუნიციპალიტეტში. დაბის ცენტრში აღმარ-თულია ლამაზი ნაძვის ხე და საახალწლო დღეებში არაერთი ღონისძიების ჩა-ტარებაა დაგეგმილი. გა-ზეთი „ალიონი“ წინას-ახალწლოდ ჩოხატაურის მუნიციპალიტეტის მერს დავით შარაშიძეს შეხვდა. მერმა დამდეგი შობა-ახალი წელი მიულოცა სრულიად საქართველოს მოსახლეო-ბას და პასუხი გასცა ჩვენს შეკითხვებს:

– ჩოხატაურის მუნიცი-პალიტეტმა ახლანან გამარ-ჯვა ევროკავშირის მიერ გამოცხადებულ კონკურსში „ჩოხატაური მდგრადი ენერ-გეტიკული მოგავლისაკენ“. რას გვეტყვით განახლება-დი ენერჯის განვითარების ღონისძიების შესახებ?

– ჩოხატაურის მუნი-ციპალიტეტმა ევროკავში-რის გრანტი მოიპოვა.მე-რიათ, თანაპლიკანტ ორ განიხილებთან, ინოვაცი-ებისა და სამოქალაქო განვითარების ცენტრი – „პროგრესის სახლი“ და „პოლონეთის სოლიდარობის



ფონდი PL საქართველოში“ (SFPL) ერთად, გამარჯ-ვა „დამიანის უფლებების, დემოკრატიისა და ინტეგ-რირებული ტერიტორიული განვითარების მხარდაჭერა საქართველოში“ ეგიდით ევ-როკომისიის მიერ გამოცხა-დებულ საგრანტო კონკურს-ში პროექტით „ჩოხატაური მდგრადი ენერგეტიკული მოგავლისაკენ“.

პროექტის მიზანია ჩო-ხატაურის მუნიციპალიტე-ტის ადგილობრივი ინფრასტრუქტურის, საცხ-ოვრებელი და საინვესტიციო გარემოს გაუმჯობესების-თვის ენერგოეფექტურობის ღონისძიებების განხორ-ცილება და განახლებადი

ში ჩოხატაურის მუნიცი-პალიტეტმა გაიმარჯვა.რას გვეტყვით ამ პროგრამის შესახებ და რას ითვალის-წინებს იგი?

– 2021 წლის 1 ივლისს ჩოხატაურის მუნიციპალი-ტეტსა და პოლონეთის სოლიდარობის ფონდი PL საქართველოს შო-რის გაფორმდა ურთიერთ-გაგების მემორანდუმი.

მემორანდუმი მიზნად ისახავდა, პროექტის – „ენ-ერგოეფექტური თვითმ-მართველობის ერთეული – ენერგოეფექტურობის გად-ანყვეტულებების საპილოტე განხორციელება ჩოხატაუ-რის მუნიციპალიტეტში“ – განხორციელებას. მხარეე-ბი შეთანხმდნენ ერთობლივ საქმიანობაზე ენერგოეფექ-ტური თემატის მიმარ-თულებით.

პროექტის მიზანი იყო ენერგოეფექტურობის გაზ-რდა ჩოხატაურის მუნიცი-პალიტეტში.

მემორანდუმის ფარ-გლებში, პოლონეთის სოლიდარობის ფონდმა აიღო ვალდებულება:

– განხორციელებინა ენერგოაუდიტი ჩოხატაუ-რის მუნიციპალიტეტში 20 შერჩეულ ლოკაციაზე;

– აუდიტის რეკომენ-დაციების საფუძველზე შეეშუშავენინა ენერგოეფექ-ტის პროგრამის კონკურს-

გაზეთი „ალიონი“ სარეკლამო ომსახურების ტარიფები

- მე-2 მთლიანი გვერდის (648 კვ.სმ.) ღირებულება 120 ლარია;
- მე-3-7 (თითოეული 810 კვ.სმ.) მთლიანი გვერდებისა -150-150 ლარი;
- 1-ლი, ფერადი გვერდი მთლიანად, (810 კვ.სმ.) არ იყიდება, ნახევარი გვერდის (405 კვ. სმ.) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის ღირებულება 50 ლარით იზრდება.ზ- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. სმ-ზე, სურათით 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ.) - 2 ლარი;
- გახსენება, ნეკროლოგი -სიტყვა 20 თეთრი, პლუს სურათი (5X6 სმ.)-2 ლარი.

საცალო ფასი: 60 თეთრი.
ხელმოწერა:
ერთი თვით -2,40 ლარი;
სამი თვით -7,20 ლარი;
6 თვით -15 ლარი;
ერთი წლით -30 ლარი.
გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს.
ავტორები თვითონ არიან პასუხისმგებელი ინფორმაციის სიზუსტეზე.
რედაქციაში აუდიონაწარები ინახება ორი კვირის განმავლობაში ამ ვადის გასვლის შემდეგ პრეტენზიები არ მიიღება.
რედაქცია ავტორებისაგან არ მიიღებს სამ ხელნაწერ გვერდზე მეტ მასალას.
გამოქვეყნებული მასალების გადაბეჭდვა რედაქციის ნებართვის გარეშე არ შეიძლება.

სარედაქციო კოლეგია
რედაქტორი
ნუგზარ ასათიანი
nugzarasatiani15@gmail.com
558 49 91 00
კომპიუტერული უზრუნველყოფა
გიორგი გოგოლაძე
gia_77@mail.ru
551 57 60 60
რედაქციის მისამართი:
ქ.ოზურგეთი, გაბრიელ ეპისკოპოსის ქ. №3
ტელ. 558 499100
გაზეთი რეგისტრირებულია ოზურგეთის რაიონულ სასამართლოში 18.11.2004 №44/4-311
გაზეთი იბეჭდება გამომცემლობა „მერიდიანში“

დაიწყეთ ყოველი ორშაბათი ალიონზე
„ ა ლ ი ო ნ ი თ “

წინასაახალწლო ზაიმი ოზურგეთში



საქართველოს პრემიერ-მინისტრის ინიციატივით, მთავრობის ადმინისტრაციისა და მუნიციპალიტეტის მერიის ორგანიზებით, ოზურგეთში საახალწლო ღონისძიება გაიმართა.

ქალაქის ცენტრალურ მოედანზე შეკრებილ საზოგადოებას დამდეგი შობა-ახალი წელი ოზურგეთის მერმა ავთანდილ თალაკვაძემ, პარლამენტის წევრმა, გურიის მაჟორიტარმა დეპუტატმა ვასილ ჩიგოგიძემ და გურიის მხარეში სახელმწიფო რწმუნებულმა, გიორგი ურუშაძემ მიულოცეს.

„მივესალმები ჩემს ოზურგეთს და ოზურგეთელებს, მივესალმები სრულიად საქართველოს. დიდი სიყვარულით მინდა ასევე მივესალმო და დამდეგი ახალი წელი მივულოცო ჩვენს თანამემამულეებს საზღვარგარეთ!“

მადლობა ყველას, რომ მიიღეთ ჩვენი მოწვევა და მობრძანდით. დღევანდელი დღე სავსეა სიხარულით. მინდა, გისურვოთ ჯანმრთელობა და ყოველივე საუკეთესო!

მიმდინარე წელს ოზურგეთში სხვადასხვა მიმართულებით არაერთი პროექტი განვახორციელებთ. ჩვენ, კვლავ გვექნება პოზიტიური სიახლეები, დაგეგმილი გვაქვს კიდევ უფრო მეტი მნიშვნელოვანი პროექტი და განვავრცობთ ოზურგეთის განახლებას. მჯერა, მომავალი წელი ჩვენი მუნიციპალიტეტისთვის და მთლიანად ჩვენი ქვეყნისთვის იქნება კიდევ უფრო მეტი აღმშენებლობის, განვითარების, წარმატების და კეთილდღეობის მომტანი!

ოზურგეთის სახელით, მადლობას ვუხდით საქართველოს პრემიერ მინისტრს ბატონ ირაკლი ლარიბაშვილს, მთავრობას და საქართველოს პარლამენტს, ჩვენი მუნიციპალიტეტის ძლიერი მხარდაჭერისთვის! გილოცავთ დამდეგ 2023 წელს!“-განაცხადა ავთანდილ თალაკვაძემ.

საახალწლო ღონისძიებები მთელი დღის განმავლობაში მიმდინარეობდა - მოეწყო საშობაო ბაზრობა, გამოფენა-გაყიდვა, საბავშვო გასართობი სივრცეები, განთავსდა ხის საახალწლო სახლები, ფოტოგადასაღები სტენდები და ინსტალაციები. ადგილობრივი ანსამბლების შემდეგ, მსმენელის წინაშე ირინა ბაირამაშვილი, დათო ლონდარიძე და ჯგუფი „გუფი ლენდი“ წარდგინეს. საზეიმოდ აინთო ქალაქის მთავარი ნაძვის ხე.

ღონისძიება გრანდიოზული ფოიერვერკით დასრულდა.

გიორგი თოხაძე და იური ლომაძე - საქართველოს ჩემპიონი



ოზურგეთის მუნიციპალიტეტის სპორტულ — გამაჯანსაღებელ დაწესებულებათა გაერთიანებასთან არსებული ჭიდაობის სექციის (ბერძნულ — რომაული სტილით) მოჭიდავეები გიორგი თოხაძე და იური ლომაძე საქართველოს ჩემპიონები არიან!

გიორგი თოხაძემ ბათუმში ბერძნულ- რომაულ ჭიდაობაში გამართულ საქართველოს პირველობაზე, 55 კგ წონით კატეგორიაში იასპარეზა და ოქროს მედალი დამსახურებულად მოიპოვა!

ასეთივე წარმატებით გამოვიდა 77 კგ. წონით კატეგორიაში იური ლომაძემ, რომელმაც ასევე ოქროს მედალი აიღო.

გიორგი თოხაძე და იური ლომაძე ასპარეზობისთვის ვლადიმერ და ირაკლი ზურაბიანებმა მოამზადეს.

ლანჩუთში მთავარი ნაძვის ხე ცენტრალურ მოედანზე საზეიმოდ აინთო



ღონისძიებას ადგილობრივი ხელისუფლების წარმომადგენლები ესწრებოდნენ. დამდეგი ახალი წელი საზოგადოებას ლანჩხუთის მერმა ალექსანდრე სარიშვილმა და საკრებულოს თავმჯდომარე ბესიკ ტაბიძემ მიულოცეს.

- ვულოცავ ყველას დამდეგ 2023 წელს. ახალი წელი განსაკუთრებული დღესასწაულია ბავშვებისთვის. ვეცადეთ დღეს ლანჩხუთი კიდევ უფრო ლამაზი და ნათელი ყოფილიყო. მშვიდობას და კეთილდღეობას გისურვებთ - აღნიშნა ალექსანდრე სარიშვილმა.

სალამოზე წარმოდგენილი იყო ნიღბების თეატრის სპექტაკლი „მხიარული ჯამბაზები“, შემდეგ კი გიორგი ცხადაძის კონცერტი გაიმართა.

ღონისძიება ფოიერვერკით დასრულდა.

ლანჩხუთის სამუსიკო სკოლაში საახალწლო ღონისძიება გაიმართა

ლანჩხუთის მ.ორაგველიძის სახელობის სამუსიკო სკოლაში საახალწლო ღონისძიება გაიმართა.

აღსაზრდელებმა სხვადასხვა ნომრები წარმოადგინეს. შესრულდა, როგორც კლასიკური ნაწარმოებები, ასევე საესტრადო და ხალხური სიმღერები.

- სამუსიკო სკოლების აღსაზრდელები ყოველთვის გამოირჩევიან მაღალი საშემსრულებლო ოსტატობით. მინდა პედაგოგებს და თითოეულ აღსაზრდელს მივულოცო დამდეგი შობა-ახალი წელი და წარმატებები ვუსურვო - აღნიშნა ლანჩხუთის მერის პირველმა მოადგილე ეკატერინე გუჯაბიძემ.

ღონისძიებას ლანჩხუთის მუნიციპალიტეტის მერიის განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა სამსახურის უფროსის მოვალეობის შემსრულებელი პაატა ურუშაძე და სახელოვნებო სკოლათა გაერთიანების ხელმძღვანელი ლია ურუშაძე ესწრებოდნენ.



„ოქროს მართვე - 2022“ გამარჯვებული რევაზ კუპატაძე გახდა

სასცენო ხელოვნების სატელევიზიო კონკურს - ფესტივალის „ოქროს მართვე“- 2022 ლაურეატი ლანჩხუთის ვ. ბარამიძის სახელობის სამხატვრო სკოლის მოსწავლე რევაზ კუპატაძე გახდა, რომელსაც სამახსოვრო საჩუქრები ლანჩხუთის მერის პირველმა მოადგილე ეკატერინე გუჯაბიძემ გადასცა.

- რეზის შემოქმედება ძალიან საინტერესოა. მას ხედვის, ალქმის განსაკუთრებული ნიჭი გააჩნია და მიხარია, რომ ის ამ კონკურსის გამარჯვებულია. მინდა მთელი გულით ვუსურვო წარმატებები“- აღნიშნა ეკატერინე გუჯაბიძემ.

შეხვედრას რესურს ცენტრის ხელმძღვანელი ნინო ჩიტაძე, სახელოვნებო სკოლათა გაერთიანების დირექტორი ლია ურუშაძე, პედაგოგები და რევაზ კუპატაძის მეგობრები დაესწრნენ.



ჩოხატაური მდგრადი ენერგეტიკული მომავლისაკენ

ტურობის გეგმა. შედეგად, – მაღალმთიან სოფელ ზოტის საბავშვო ბაღსა და ჩოხატაურის მუნიციპალიტეტის №1 ბავშვ-ბაღში დამონტაჟდა მზის ელექტროსადგურები; ასევე, სოფელ ზოტის საბავშვო ბაღში არსებული შეშის ღუმელები

ჩანაცვლდა ახალი, ბრეკეტზე მომუშავე ენერგოეფექტური 5 ენერგოეფექტური ღუმელით; ბაღებისათვის შესყიდულ იქნა და დამონტაჟდა 100 ლედ ნათურა;

– განხორციელდა ამავე საბავშვო ბაღების სახურავების თბოიზოლაცია;

– მუნიციპალიტეტის სოფლებში დამონტაჟდა 446 ერთეული მაღალეფექტური ქუჩის ლედსანათები;

– ჩატარდა ტრენინგ კურსი ენერგოეფექტურობა და კლიმატ გონივრული საოჯახო

პრაქტიკის შესახებ, მოსახლეობისთვის.

სწორედ აღნიშნულმა პრაქტიკამ გადაგვანყვეტინა ევროკომისიის მიერ გამოცხადებულ

საგრანტო კონკურსში მიგველო მონაწილეობა პროექტით – „ჩოხატაური მდგრადი ენერგეტიკული მომავლისკენ“.

– მუნიციპალიტეტმა გამოაცხადა ჩოხატაურის მუნიციპალიტეტის მერის სათათბირო ორგანოს, „ჩოხატაურის ახალგაზრდული მრჩეველთა საბჭოს“ წევრთა შესარჩევი კონკურსი. რა იქნება ამ საბჭოს მუშაობის პრიორიტეტი?

– ჩოხატაურის ახალგაზრდული მრჩეველთა საბჭოს წევრთა შესარჩევი

კონკურსი გამოცხადდა ადგილობრივი თვითმმართველობის განხორციელებაში და გადაწყვეტილების მიღების პროცესში ახალგაზრდობის სრულფასოვანი მონაწილეობისა და ჩართულობის მიზნით.

საბჭოს მუშაობის პრიორიტეტებია: ახალგაზრდების საჭიროებებისა და ინტერესების შესწავლა, მათი აქტიური მონაწილეობა მუნიციპალიტეტის საბიუჯეტო პროცესში, მათი ინფორმირება მუნიციპალიტეტის ახალგაზრდული პოლიტიკის, პროგრამების და სხვა შესაძლებლობების შესახებ. საბოლოო ჯამში, ახალგაზრდების მაქსიმალური ჩართულობა მუნიციპალიტეტში მიმდინარე ნებისმიერ პროცესში.

– რა მნიშვნელოვანი ინფრასტრუქტურული პროექტები ხორციელდება ჩოხატაურში. რას ანიჭებს უპირატესობას მუნიციპალიტეტის მოსახლეობა სოფლის პროგრამით გათვალისწინებული პროექტების შერჩევას?

– მიმდინარე წელს მუნიციპალიტეტში მნიშვნელოვანი ინფრასტრუქტურული პროექტები განხორციელდა. მათგან გამოვყოფდი გორაბერეჟოუს დუმბაძის სახელმწიფოების რეაბილიტაციის პროექტებს. დაბის ტერიტორიაზე მიმდინარეობს მდინარე ორპირის ნაპირსამაგრი სამუშაოები.

პროექტების ღირებულებამ რეგიონალური განვითარების ფონდიდან შეადგინა 5 223 297 ლარი. სრგპ ფონდიდან ხორციელდება 4 852 831 ლარის სამუშაოები. ასევე მიმდინარეობს სტიქიის შედეგების სალიკვიდაციო სამუშაოები, რაზედაც გამოყოფილია მთავრობის მიერ 1 825 000 ლარი.

„სოფლის მხარდაჭერის პროგრამის“ საფუძველზე განხორციელდა 730 000 ლარის ღირებულების პროექტი სოფლის მოსახლეობის გადაწყვეტილებების შესაბამისად.

დაბა ბახმაროში განხორციელდა პარკის რეაბილიტაცია, რაზედაც 1 373 777 ლარი დაიხარჯა. ეს პროექტი განხორციელდა საქართველოს მუნიციპალური განვითარების ფონდის დაფინანსებით.

ასევე მნიშვნელოვანი პროექტების განხორციელებას ვგეგმავთ 2023 წლისთვისაც.

– ჩოხატაურში მიმდინარეობს დაბის კეთილმონყოლის საშუალებების მიწოდების წინ მიმდინარეობს სკვერის კეთილმონყოლის სამუშაოები შერჩევა. ვინ აფინანსებს ამ პროექტს და რატომ შეჩერდა იგი?

– საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა, „განახლებული რეგიონების“ ფარგლებში ლანჩხუთის, ოზურგეთისა და ჩოხატაურის მუნიციპალიტეტებში სარეაბილიტაციო სამუშაოების დასრულების მიზნით ტენდერი გამოაცხადა.

გურიის რეგიონში პროგრამით მიმდინარე სარეაბილიტაციო სამუშაოები

მუნიციპალური განვითარების ფონდმა 2021 წლის მაისში დაიწყო. ტენდერში გამარჯვებულმა კომპანიამ „ალმაშენბელი“ (ქუთაისი) ვერ შეასრულა ნაკისრი ვალდებულებები, რის გამოც მასთან ხელშეკრულება შეწყდა. ხელშეკრულების შეწყვეტამდე კონტრაქტორ კომპანიას არაერთხელ მიეცა, როგორც სიტყვიერი, ისე წერილობითი გაფრთხილება, თუმცა კომპანიამ ვერ შეძლო მდგომარეობის გამოსწორება. იმედს გამოთქვამთ, რომ ამჯერად გამარჯვებული კომპანია მიიყვანს საქმეს ბოლომდე და დასრულებს დაბის კეთილმონყოლის სამუშაოებს.

– დასაქმების სახელმწიფო პროგრამით რამდენი ადამიანი დასაქმდა მუნიციპალიტეტში და რამდენად გამართულად მუშაობს იგი?

– დასაქმების სახელმწიფო პროგრამის ფარგლებში ჩოხატაურის მუნიციპალიტეტში დასაქმდა 840-მდე ადამიანი, რომელთა მოვალეობები განსხვავებულია და მოიცავს ადმინისტრაციულ ერთეულებში ცენტრების, ქუჩების, ტროტუარების, სკვერების, სასაფლაოების, სანიტარული არხების და სხვა ლოკაციების დალაგება დასუფთავებას. ასევე სკოლების, ბაღების, ადმინისტრაციული შენობების დალაგებას და დაცვას. პროგრამა მიმდინარეობს შეუფერხებლად.

– თქვენ ცოტა ხნის წინ შეხვედით ისრაელის საერთაშორისო განვითარების სააგენტოს (MASHAV) საქართველოს ხელმძღვანელს, გიორგი ფლენტს და MASHAV-ის პროგრამის აგროპროექტების მენეჯერს, იუვალ ელაზარს. რა პროექტების და პროგრამების შესახებ აპირებთ თანამშრომლობას და რა პრაქტიკა არსებობს ამ თანამშრომლობის?

– MASHAV-ი საქართველოში 1992 წლიდან ფუნქციონირებს და მისი მიზანია მეგობარი ქვეყნებისთვის ისრაელის გამოცდილების, ცოდნის, ტექნოლოგიების და ინოვაციების გაზიარება. MASHAV-ის კურსდამთავრებულები საკმაოდ დაინტერესებულია გურიაში, მათ შორის მეც მხვდა წილად ბედნიერება, ვყოფილიყავი მათ შორის.

ჩვენ შევხვედით ისრაელის საერთაშორისო განვითარების სააგენტოს (MASHAV) საქართველოს ხელმძღვანელს გიორგი ფლენტს და MASHAV-ის პროგრამის აგროპროექტების მენეჯერს იუვალ ელაზარს და MASHAV-ის ორგანიზაცია „შალომ კლუბი გურია“-ს ხელმძღვანელს-ზაურ ოსეფაიშვილს. სწორედ ამ კლუბის საშუალებით ახ-


ორციელებს პროექტებს MASHAV-ი. საქართველოში შეხვედრაზე განვიხილეთ მიმდინარე წარმატებული პროექტები და ვისაუბრეთ მომავალ შესაძლო თანამშრომლობის მიმართულებებზე, მნიშვნელოვანი საკითხის, სოფლებში სასმელი წყლის გასაფილტრი დასაგარების მოწყობის პრიორიტეტზე, ასევე სოფლის მეურნეობის განვითარებაში ისრაელის ინოვაციების დანერგვის შესაძლებლობებზე.

– რას ეტყობთ საახალწლოდ თქვენს მოსახლეობას... – ყველას ვულოცავ დამდეგ შობა-ახალ წელს. მშვიდობის, სიხარულისა და ბედნიერების წელი ყოფილიყოს 2023.

31 დეკემბერს კვლავ ერთად შევხვდეთ ახალი წლის შემობრძანებას.

13 იანვარს კი, პრემიერ-მინისტრის ინიციატივით მთელი ქვეყნის მასშტაბით დაგეგმილი საახალწლო ღონისძიებების ფარგლებში, გრანდიოზული საღამო გველოდება. ერთად შევეგებოთ ტრადიციულ გურულ კალანდას.

– გუშინ, საკრებულოს სხდომაზე ვიხილეთ სახედაკარგული „ქოც-ზონდერ“ ქალბატონები, რომლებიც გადაფარებული იყვნენ მერს. ძალიან მძიმე სანახავი იყვნენ ეს ადამიანები, რადგან ფიზიკურ შეურაცხყოფაზე გადმოვიდნენ. მაქვს დაზიანებებიც. ფიზიკურ ძალადობას შექონდა ადგილი და ამასთანავე იყო „მუხლებზე გადამტვრევის“ მუქარა. შემაქვს განცხადება პროკურატურაში. ეს არის არა მარტო ჩემთვის გაკეთებული, არამედ ეს არის ყველა იმ ოპოზიციურად განწყობილი ადამიანისთვის, ვისაც არ უნდა ეშინოდეს, თუ ის თავის პროტესტს გამოხატავს და რაიმეს იტყვის მას ფიზიკურად გაუსწორდებიან და მუქარას განახორციელებენ მასზე. როცა ქალზე ძალადობაზე საუბარი არ შეიძლება ფაქტი რეაგირების გარეშე დარჩეს. ძალადობა ყოვლად მიუღებელია“, – განაცხადა მედიასთან თათია ნიკოლაიშვილმა.



წინასწარწლო დაპირისპირება ოზურგეთის საკრებულოში

დეპუტატი თათია ნიკოლაიშვილი ოზურგეთის საკრებულოში განვითარებულ მოვლენაზე ოპიქტურ ბამოძიებას ითხოვს

ქალ დეპუტატებს შორის მიმდინარეობდა. მათი სიტყვიერი დაპირისპირება საკმაოდ ხანს გაგრძელდა. „თქვენ ხართ მკვლელები და მოლაღატებები“, „მონა ხარ“-ის მოდა ურთიერთბრალდებები სხდომის დარბაზში.

შემდეგ ნაციონალმა დეპუტატებმა საკრებულოს დარბაზი დატოვეს.

– რაც აქ ვნახეთ, ამაზრზენი და სირცხვილია ნაციონალური მოძრაობის მხრიდან. რაც მოხდა, ეს ყველას ანუხებს. ამ ადამიანებმა ბოიკოტი გამოუცხადეს ბიუჯეტს, ყველა ჩვენს მოქალაქეს, რომლებიც ამ ბიუჯეტის დროულ მიღებას ელოდებიან. ეს არის მათი სახე, ნათლად დაგვანახვეს, რა და ვინ არიან – განაცხადა სხდომის განახლების შემდეგ საკრებულოს თავმჯდომარე დავით დარჩიამ.

„დედს ერთიანმა ნაციონალურმა მოძრაობამ ბოიკოტი გამოუცხადა საკუთარ მოსახლეობას“ – ასე შეაფასა ნაციონალი დეპუტატების ბოიკოტი ბიუჯეტის პრო-

ექტის წარმოდგენისას ოზურგეთის მერმა ავთანდილ თალაკვაძემ. სხდომის დასრულების შემდეგ საკრებულოს დეპუტატებს მიმართა საზოგადოებრივი მოძრაობა



„ხალხის ძალა“-ს წარმომადგენელმა გელა ჩაველეშვილმა: – ნაციონალურ მოძრაობას ხალხმა 2012 წელს უთხრა უარი. ახლა კი ხელისუფლებაში მოსვლის მიზნით ცდილობს თავი მო-

აჩვენოს მათ ჩვენი ქვეყნისა და ხალხის გულანთებულ პატრონობად. ტყუილი ბრალდებებით, ფაქტების დამახინჯებით დაუმსახურებლად გვიწოდებენ ჩვენ

ჩანაფიქრის განხორციელების მიზნით არსებობს საზოგადოების აბსურდში დარწმუნების ჯოზეფ ოვერტონის მეთოდი, რომლის მიხედვითაც საზოგადოებისათვის ყველაზე მიუღებელი იდეა, რომელიც საზოგადოების ყურს უნდა მიაჩვიო, შემდეგ შესაძლოა მისაღებ კატეგორიაში გადაიტანო, ხოლო ბოლოს შეგიძლია ამ იდეის მონიშნალები მტრად გამოაცხადო. სწორედ ამ მეთოდით ცდილობს ნაც. მოძრაობა საზოგადოებაზე ძალადობას. – განაცხადა გელა ჩაველეშვილმა.

„ნაციონალური მოძრაობის“ წევრმა, ოზურგეთის საკრებულოს დეპუტატმა, თათია ნიკოლაიშვილმა 24 დეკემბერს ოზურგეთის პროკურატურას განცხადებით მიმართა და საკრებულოში განვითარებულ მოვლენებზე ოპიქტურ გამოძიების დაწყებას მოითხოვა.

მისი თქმით, ნებისმიერი სახის ძალადობაზე შესაბამისმა უწყებამ სათანადო რეაგირება უნდა მოახდინოს.

მეკვლელებს, ანტიდასაღებებს და ანტიევროპელებს. სინამდვილეში კი მათ არც ქვეყანა აინტერესებთ, არც ხალხი, არც მორალი და სინდისი აქვთ და ამიტომ ყველაფერს კადრულობენ.

მეკვლელებს, ანტიდასაღებებს და ანტიევროპელებს. სინამდვილეში კი მათ არც ქვეყანა აინტერესებთ, არც ხალხი, არც მორალი და სინდისი აქვთ და ამიტომ ყველაფერს კადრულობენ.

რა პროექტები განხორციელდება 2023 წელს ოზურგეთში

ალიონი. ოზურგეთის მუნიციპალიტეტის საკრებულოს სხდომაზე „საქართველოს რეგიონებში განსახორციელებელი პროექტების ფონდიდან ოზურგეთის მუნიციპალიტეტში 2023 წელს განსახორციელებელი ინფრასტრუქტურული მზა პროექტების შესახებ იმსჯელეს.

გზების მშენებლობიდან ყველაზე დიდბიუჯეტის პროექტი **სოფელ კონჭკათის** ცენტრიდან **სოფელ შრომის (ორმეთი)** დამაკავშირებელი 6,8 კილომეტრი გზის რეაბილიტაციაა, რისთვისაც 5,358945 ლარი დაიხარჯება. აღნიშნული სოფელი ქ ოზურგეთს 38 კილომეტრითაა დაშორებული და 2014 წლის აღწერით 347 კაცი ცხოვრობდა (2002 წელს 579).

სოფელ შრომაში კიდევ ერთი მნიშვნელოვანი პროექტი – **ვაკისა** (2 132 მ) და **ზედუნის** (1146 მ.) შიდა სასოფლო გზების რეაბილიტაცია მოხდება. (2 667790 ლარი). სხვა პროექტით სოფელში ახალი საბავშვო ბაღიც აშენდება.

2023 წელს სოფელ **ცხემლისხიდი (უჩხუბი) –სოფელ ვაკიჯვრის** დამაკავშირებელი გზის (4028მ.) რეაბილიტაციის პროექტი უნდა განხორციელდეს. მდინარე ნატანებზე მთავრდება 150 მეტრი სიგრძის ხიდის მშენებლობა., რის შემდეგაც უჩხუბი- ვაკიჯვრის თემს დაუკავშირდება.

მომავალ წელს განხორციელდება



სოფელი **ბახვი-ვაკიჯვრის** დამაკავშირებელი შიდა სასოფლო გზის (2,9 კმ.)რეაბილიტაცია (დაიხარჯება 2,5 მილიონი ლარი).

საინტერესო ინფრასტრუქტურული პროექტები იგეგმება **სოფელ მთისპირში** – სოფლის ცენტრიდან **სოფელ უკანავას** დამაკავშირებელი 3,5 კმ. შიდა სასოფლო გზის რეაბილიტაცია. (2,6 მილიონი ლარი). გარდა იმისა, რომ ამ მაღალმთიან სოფელში (ზ/დ 360მ.) 120-მდე ადამიანი ცხოვრობს, 2013 წელს აქ აშენდა ოთხკასკადიანი „ბახვი 3 ჰიდროელექტროსადგური, რომ-

ლიც წლიურად 38 მილიონ კილოვატ საათ ელექტროენერჯია გამოიმუშავებს.

მოხდება **დაბლა ვანისქედი-ბასილეთის** დამაკავშირებელი გზის (1,2 კმ.) რეაბილიტაცია (1,1 მილ. ლარი), რომელიც იმითაა საინტერესო, რომ ანალოგიურად ჩოხატაურის მუნიციპალიტეტიც აპირებს ბასილეთი-დაბლა ვანისქედის დამაკავშირებელი გზის რეაბილიტაციას და მუნიციპალიტეტის ზემო სოფლების მოსახლეობა (ცხემლისხიდი, ფამფალეთი ვაკიჯვარი, მთისპირი) 20 კილომეტრით ნაკ-

ლები მანძილი ექნებათ გასავლელი ხიდისთავი-ბახმაროს და ბასილეთი-ჩოხატაურის დასაკავშირებლად.

2,1 კმ. შიდა სასოფლო გზის რეაბილიტაცია იგეგმება **სოფელ მაკვანეთშიც** (ბაღების უბანი). დაიხარჯება 1,4 მილიონი ლარი.

დაბა ლაითურში 3280 მეტრი შიდა გზა გაკეთდება, (2,5 მილიონი ლარი).

წლებია, გზის რეაბილიტაციის შესახებ ადგილობრივ ხელისუფლებას მიმართავდა ქ.**ოზურგეთში** (ექაღია) **გენო ჩხაიძის** (ყოფ. იმედაშ-

ვილის) ქუჩის მცხოვრებლები. ამჟამად პროექტი მზადაა და 1,3 კილომეტრი რთული რელიეფის გზის რეაბილიტაცია განხორციელდება (1,4 მილ. ლარი).

ქ. ოზურგეთში დასრულდება **დოლიძისა და ქაჯავაძის** ქუჩების რეაბილიტაცია (1,8 მილ. ლარი); ასევე განხორციელდება **გორკის** ქუჩის (2118, 211 370 ლარი.)რეაბილიტაცია.

ანასულში იგეგმება **სუბტროპიკების** (1,8 კმ.). **მეცნიერების** (261 მ.) , **უნივერსიტეტის** (820 მ.) ქუჩების რეაბილიტაცია. (სამთავე პროექტზე 1,9 მილიონი ლარი დაიხარჯება).

ქ. **ოზურგეთში**, (იაკობ შემოქმედლის) ქუჩის ბოლოდან **სოფელ მელექედურის** ცენტრის დამაკავშირებელი 1,5 კმ. გზის რეაბილიტაციაზე 800 000 ლარი დაიხარჯება.

სასმელი წყლის სისტემები მოუნყობა **სოფელ ოზურგეთში, სოფელ ნაღობილეში (პირველი ბრიგადა), დაბა ნასაკირალში.** აღნიშნული პროექტების განსახორციელებლად 15 მილონ ლარზე მეტი დაიხარჯება.

ამ ეტაპზე არსებული მზა პროექტების განსახორციელებლად მომავალ წელს 32,7 მილიონი ლარი დაიხარჯება.

აღნიშნულ პროექტზე საკრებულომ შესაბამისი განკარგულება მიიღო.

ინფორმაცია „ბახვი 2 ჰესის“ გზმ-ს საჯარო განხილვის შესახებ



2022 წლის 21 დეკემბერს, ოზურგეთის მუნიციპალიტეტის, სოფელი მთისპირის ადმინისტრაციულ შენობაში მდინარე ბახვისწყალზე, ბუნებრივ ჩამონადენზე მომუშავე დაგეგმილი „ბახვი 2 ჰიდროელექტროსადგურის“ („ბახვი 2ა“ და „ბახვი 2ბ“) მშენებლობისა და ექსპლუატაციის პროექტის გარემოზე ზემოქმედების შეფასების ანგარიშის საჯარო განხილვა გაიმართა.

საჯარო განხილვის ორგანიზატორი გარემოს ეროვნული სააგენტოა. „ბახვი 2 ჰიდროელექტროსადგურის“ პროექტი სააგენტოს წარმომადგენელმა წარადგინა. პროექტის განვითარების მენეჯერმა **ვალერი ხაჩიძემ**, პროექტის ტექნიკური პარამეტრების შესახებ ისაუბრა; განხორციელე-

ბული კვლევები და გარემოსდაცვითი საკითხები კავკასიის განახლებადი ენერჯის ჰოლდინგის გარემოსდაცვისა და სოციალური საკითხების მენეჯერმა, **ნანა ბერძენიშვილმა** მიმოიხილა, სოციალური პროგრამის შესახებ კი კი განმარტებული კომპანიის ბახვი ჰესის დირექტორმა, გიორგი აბრამიშვილმა ისაუბრა.

მთისპირში მიმდინარე საჯარო განხილვას ესწრებოდნენ მთისპირში მერის წარმომადგენელი ვლადიმერ ჩავლეშვილი, არასამთავრობო ორგანიზაციების, კერძოდ, გარემოსდაცვითი ორგანიზაციის „ეკოს“ დამფუძნებელი ირმა გორდელაძე და ინოვაციების და ცვლილებების ინსტიტუტის ხელმძღვანელი ოთარ რევიშვილი, საგანმანათლებლო სექტორის წარმომადგენლები და საპრო-

ექტო ტერიტორიის მიმდებარე არსებული სოფლების (მთისპირი, ოქროსქედი, ვანისქედი და უკანავა) მოსახლეობა.

მთისპირში გამართული საჯარო განხილვა კითხვა-პასუხის რეჟიმში წარიმართა. მოსახლეობის ინტერესის საგანი იყო დასაქმების შესაძლებლობები და გარემოსდაცვითი ასპექტები. აღსანიშნავია, რომ 2 საათიანი განხილვის შემდეგ დამსწრე საზოგადოებამ მხარდაჭერა გამოუცხადა პროექტს. აღინიშნა, რომ უკვე მეორე წელია კომპანია და მისი თითოეული თანამშრომელი აქტიურად მუშაობს დაინტერესებულ მხარეებთან. დადებითად შეფასდა ის ფაქტი, რომ პროექსი სრულიად გამჭვირვალეა, კვლევები, რომელიც კომპანიამ განახორციელა საერთაშორი-

სო დონის ექსპერტების ჩართულობით, პროექტის ტექნიკური პარამეტრების გაუმჯობესება, მნიშვნელოვანი იყო ადგილობრივებისთვის პროექტის მიმართ დადებითი გადანწყვტილების მიღების პროცესში.

არასამთავრობო სექტორის წარმომადგენლებმა ხაზი გაუსვეს, რომ პროექტში შეიცვალა და გაუმჯობესდა ტექნიკური პარამეტრები, უცხოელი ექსპერტების მიერ ჩატარებული კვლევების საფუძველზე შემოთავაზებული შემარბილებელი ღონისძიებები კი, მნიშვნელოვნად შეუწყობს ხელს ზემოქმედების მინიმუმამდე დაყვანას.

„გარემოსდაცვითი შეფასების კოდექსის“ თანახმად, გარემოსდაცვითი გადანწყვტილების მიმღებ უფლებამოსილ ორგანოს წარმომადგენს გარემოს ეროვნული სააგენტო.

„ბახვი 2“ ჰიდროელექტროსადგურის გზმ-ს ანგარიში საქართველოს გარემოს დაცვისა და სოფლის მეურნეობის სამინისტროს ჩაბარდა 2022 წლის 20 ოქტომბერს და სამინისტროს ოფიციალური გვერდზე გასაჯაროვდა 2022 წლის 14 ნოემბერს.

გთხოვთ, გარემოს ეროვნული სააგენტოს მიერ გამოქვეყნებული განცხადება იხილოთ შემდეგ ბმულზე: <https://nea.gov.ge/Ge/GZSH/1048>

დაფინანსებული ფართი.

„პარიაციები კონკიას მიხედვით“



ოზურგეთის სახელმწიფო დრამატულ თეატრში საბავშვო პრემიერა შედგა – „ვარიაციები კონკიას მიხედვით“.

კონკიას უნაკლო ისტორია კვლავ იპყრობს პატარების გონებას თავისი მომხიბლავი სიუჟეტით. წლების განმავლობაში კონკიას მრავალი ვერსია დაინერა, სწორედ ამიტომ, ოზურგეთის სახელმწიფო დრამატული თეატრი წარმოგიდგენთ კლასიკური ზღაპრის ვარიაციებს.

სახალწლო, გასართობი, მუსიკალური შოუ-პროგრამა, პატარების საყვარელი გმირებით კიდევ ერთხელ გამოგზაურებთ სიკეთისა და ბოროტების ჯადოსნურ სამყაროში. ოცნებიდან რეალობამდე, ისტორია ბედნიერი დასასრულით.

დღეს, თეატრის სტუმრები ქ. ოზურგეთის №4 საჯარო სკოლის მოსწავლეები იყვნენ.

აღნიშნული სპექტაკლი 30 დეკემბრის ჩათვლით ყოველდღიურად დღის 3 საათზე გაიმართება. 3 იანვარს კვლავ განახლდება სპექტაკლის ჩვენება და 7 იანვრის ჩათვლით შეგიძლიათ ესტუმროთ თეატრს.

აგაპი ილიას მოძღვრ ალექსანდრე ეპისკოპოსისა და საქართველოს მომავალი პატრიარქის ლეონიდე ოქროპირის ბახსენებისა

ილია ჭავჭავაძის სიტყვა წარმოთქმული 1998 წლის 17 მაისს სიონის საკათედრო ტაძარში, „სადაც თბილისის საზოგადოებაში გაცდილება მოუწყო გურია-სამეგრელოს ეპისკოპოსად დანიშნულ მღვდელმთავარს“ (ჯ. გამახარია):

„თქვენო ყოვლად უსამღვდელოესობავ! მე ვბედავ თქვენს წინაშე ხმის ამოღებას დღევანდელ დღეს არა იმისთვის, რომ თქვენ ჩემს ქება-დიდებას საჭიროებდეთ. თქვენი საქმენი, თქვენი ღვანღ-მოსილი სიცოცხლე ჩემზედ უკეთესად ჰქონდადებოდა თქვენს ქებასა და დიდებას და ჩემი თქმა რას მიუმატებს თქვენს სათნოებით მოპოებულს სახელს.“

„ნამეტანობაში ნუ ჩამომართმევთ და გულით წმიდით ვიტყვი, რომ სწანს ღმერთს კიდევ არ დავეციყვებოვართ, რადგანაც თქვენსთან სათნოებანი კაცს მოუვლენს ხოლმე ჩვენს ქვეყანას და რაკი თქვენი-სთანებას ვხედავთ, გულს კვლავ ერჩის წუთი სოფლისაგან ღონე მიხდელი სასოება და წუთი სოფლისაგანვე გამოჭრილი იმედები უკეთესის დღეებისა. უღონობა ქვეყნისა მარტო უფულობა და უქონლობა კი არ არის, როგორც ეხლა ბევრსა ჰგონია, არამედ ისა, როცა სათნოებანი, კეთილ მოქმედი, მაღალ ზნეობის კაცი არა ჰყავს, სიმაგრე ქვეყნისას, ქვეყნის ძალ-ღონე, რის შემნახველი და გამადიდებელი, კეთი-კირი ადამიანის ცხოვრებისა მარტო სათნოებაა და მარტო სასოებანი კაცი ქმნის ამ წუთი სოფელს ტაძრად, სადაც ღმერთს ადიდებენ და სამოთხედ, რაცა ბედნიერება ადამიანისას ასულდგმულებს.“

„თქვენის ცხოვრების წმიდათა-წმიდად ორი დიდი საგანია: ერთი ღმერთი და მეორე თქვენი სამშობლო ქვეყანა.“

ღმერთს მღრთისას აძლევდით და ქვეყანას ქვეყნისას და ორსვე ემსახურებოდით ერთმანეთს დაუკლისად გულ-მხურვალეებით და სიყვარულით. ერთი წუთიც არ ვიცით თქვენის სიცოცხლისა, რომ ცხოველ-მყოფელი შუქი, ამ ორკეცს სიყვარულისა არ მოჰფენდეს თვითუფლს თქვენს საქმეს, აქ თვითუფლს თქვენს მოქმედებას, ქვეყანას ემსახურებოდით, მღრთისათვის ღმერთს ადიდებდით ქვეყნისათვის, რადგან ღმერთი არს სიყვარული და სიყვარული მსხენელია ქვეყნისა“. თქვენი სიცოცხლე მთელი და განუწყვეტელი სათნოებაა, სათნოება რომლის მაგალითს მარტო იმ მაღლით ცხებულს მღვდელ-მონოზენების შორის ვპოულობთ, რომელნიც ერთ დროს ყოფილან ჩვენში, ჩვენდა საუბედუროდ ეხლა აღარ არიან, თქვენ ხორცი დაუმორჩილედ სულს და

ერთი უდიდესი სათნოებაც ეს არის. გშობდათ არ სჭამდით, გწყუროდათ და არ სვამდით, გციოდათ და არ თბებოდით იმისთვის კი არა, რომ ვითარცა ანგარმა და ძუნწმა ოქრო და ვერცხლი მოხვეჭოთ, არამედ იმისთვისა რომ რაც საკუთრად თქვენის თავისთვის არ გემეტებოდით, რასაც თქვენს თავს აკლებდით, ის სხვას შეჰმატეთ, სამადლოდ, საქვეყნოდ გაცივით, თქვენს სამშობლოს მოახმარეთ, მართალი უთქვამს, ვინც სთქვა, რომ ორ ნაირი სათნოებაა ქვეყანაზე ადამიანის ღირსების აღმნიშვნელი. ერთი უქმი, რომელსაც მისდევს არა ქმნა ბოროტისა, მეორე მოქმედი, რომელსაც მოსდევს ქმნა კეთილისა. პირველ მაგდენი – ვერაფერი ღვანღია... სადიდებელი კაცისა, მეორე მოქმედი, რომელსაც მოსდევს ქმნა კეთილისა, პირველი მაგდენი ვერაფერი ღვანღია, სადიდებელი კაცისა, მეორე სათნოებაა და ამისთანა სათნოების პატრონი თქვენა ბრძანდებით“.

„თქვენ აღვიდგინე ჩვენი დავეციყვებული წმინდანნი შიო მღვიმელი და იოანე ზედაზნელი, სხვამ რაც უნდა სთქვას და ჩემის ფიქრით კი კაცი ის არის, ვისაც გულითადი რწმენა რისამე აქვს ქვეყნის საკეთილდღეოთ მის მიერ აღიარებული და იმ რწმენას ემსახურება თავდადებით, თქვენ განათ რომ ადამიანის მხსნელი, მისი ხელთმძღვანელი და განმმენდელ მისი სჯული და სარწმუნოებაა“ და ამ გზაზედ ღვანღმოსილები-სათვის არა დაგიზოგიათ რა. ამისდა მოწმად თქვენ მიერ აღდგენილი მონასტრებია, ეს ნაშინი ჩვენის სულიერად ზე აღსრულებისა. აქ მეტია თვითუფლის თქვენის ღვანღის ჩამოთვლა და მარტო ამას ვიტყვი, რომ თქვენი მაღლით ცხებული მარჯვენა ყველგან მიგიწვდინათ, საცა კი თქვენის ქვეყნის, თქვენის ერის საკეთილდღეოდ საქმე რამ აჩენია, არ არის არც ერთი საერო საქველმოქმედო საქმე ქართველთა რომ თქვენი უხვი წვლილი არ ერიოს, თქვენი ლოცვა კურთხევა წინ არ მიუძღვოდეს, თავს არ დასტრიალებდეს.

„მარტოდ ისიც საკმარისია თქვენის მაღლობის ხსენებისათვის, რომ თქვენის მეოხებით, თქვენის ღვანღით, თქვენის მამობრულის სიყვარულით გამოუზარდეთ ჩვენს ქვეყანას იმისთანა შვილი, როგორც ახლად ნაკურთხი ეპისკოპოსი ლეონიდეა. ჩვენ კაცებით ღმერთს ვართ და ჩვენთვის თქვენგან გაზრდილი – თქვენის მაგალითად განვრთვნილი, თქვენის ხელისა და გულის თანამოზიარე განძია, ჩვენ შევხარით ჩვენს ახალს ეპისკოპოსს სასოებით და იმედითა, იმიტომ რომ თქვენი – გაზრდილია, თქვენი სულიერი შვილია, და ყოველი მსგავსი

მგავსსა შობსო ნათქვამია“.

„თქვენ გაზრდილს დიდი ეკლიანი გზა უძევს წინ, თუ სიყვარულს ქვეყნისას თქვენებრ წინ წაიძღვანებს და მსახურება მისი მსახურება იქმნება ქვეყნისა. ეს გზა გზაა საკუთარის თავის განიერისა, ნამეზისა, ნამეტანავად ჩვენში, რაც უმადურება და კილეა ისე ხშირია, როგორც არსად. ჩვენ იმედი გვაქვს, რომ თქვენი გაზრდილი, თქვენი განვრთვნილი არა ეკალს არ შეუშინდება და თქვენს მაგიერობას გაგვიწევს. მაგიერობას მეთქი!.. მოგვიტევეთ, გული კაცისა ხარბია! თქვენი ბედი გვენატრება. ნუ თუ თქვენ თითონ არ ინებებდით, რომ თქვენი გაზრდილისაგან მეტი მოითხოვოთ, მეტი მოველოდინოთ, თქვენ მამა ხართ და ეგ თქვენი შვილია და რადგანაც ის გვირჩევნია მეტი მოველოდინოთ. „ის ურჩევნია მამულსა რომ შვილი სჯობდეს მამასაო.“ ჩვენ დარწმუნებული ვართ, რომ თქვენ თვითონ ჩვენზედ უფრო მეტის ნატვრით ინატრებდით, რომ თქვენი გაზრდილი თქვენ დაგემჯობინოთ ჯერ ღვთით და მერე თქვენისავე კურთხევითა“.

ამისი და, ამ ჩვენის კადნიერების რწმენის თავმდეები და საწყაული თქვენი მამაშვილური სიყვარული, რომლის წინაშე ქედს იხრის ყოველივე სხვა პირადი გრძობა პატიოსანი კაცისა. ჩვენ მართლად საყვარელო და ღირს სახსოვარო მღვდელმთავარო!

თქვენ აქედამ მიბრძანდებით, მაგრამ მღვთის მაღლით ჩვენის ქვეყნიდამ კი არა. იქაც ჩვენი ქვეყანაა და ჩვენი ერია, ჩვენი ძმები არიან, ჩვენ აქ გიხსენით სამგზამშვიდობორო მოგახსენოთ და თქვენს წინაშე ღმერთს ვთხოვოთ თქვენი დღეგრძობა და თქვენგან ლოცვა კურთხევა მივილოთ. მოგვირთმევა მცირე-ოღენი ძველნი ესე ჩვენდა სახსოვრად კი არა, ჩვენ უამისოთაც გეხსომებით მთელ საქართველოსთან ერთად, რადგანაც შვილნი ვართ საქართველოსი, რომელსაც დღეთა თქვენთა სწირავთ უორგულობითა და სიყვარულითა... მიიღე ნიშანი ჩვენი გულითადის მაღლობითა და უღრმესის პატივისცემას და გიხაროდენ, რომ შენის ქვეყნის შვილნი მოიწიფენ იმოდენად, რომ შეძლებისამებრ მაღლობას უხდიან მაღლობის ღირს კაცს. გიხაროდენ იმიტომ, რომ ესეც ერთი ფეხის წინ წადგომაა, ერთს საფეხურით ზე აღსვლა თქვენის შვილებისა, რადგანაც მარტო ბრძამ და უკეთურმა არ იცის სხვის სიკეთის დანახვა, სხვისი ღვანღის დაფასება. თქვენ მიბრძანდებით ჩვენგან და ვნუხვართ, რომ ჩვენ გვემორდები, მაგრამ ჩვენთა იმერ ძმათა სიყვარული ანელეს ჩვენს მწუხარებას და გვაძხვრებს ჩვენ. ჩვენგან მეტის მეტი გულ-ძვირო-



ბა იქმნებოდა, რომ ეს ასე არ იყოს. ჩვენ მწუხვართ თქვენი წასვლით და გვიხარიათ თქვენი იქ მისვლა, ჩვენ ვაკვლავდებით და ღვთის მაღლით, იქ შეგვემატებით. ყველგან ჩვენს ქვეყანაში საჭიროა ამისთანა კაცი, რომლის მიხედვით და მაგალითით ინურთნება ხასიათი, ინმინდება გონება და გული ადამიანისა. უხაროდეთ მათ, სადაც თქვენ მიდინართ, და ჩვენ ეს არ გვეშურს, რადგანაც იქაც ჩვენები არიან, თუნდ ესეც არ იყოს, თქვენი ცხოვრება სათნოების სკოლაა ჩვენთვის და ამიტომაც მარტო ერთი ხსენება თქვენის სახელისა ჩვენი მწვრთვნილია. ოჰ, რა ბედნიერია იგი კაცი, რომელიც გვწვრთნის და გვასწავებს ჩვენ არამც თუ ჩვენთან ყოფნით, არამედ მარტო თავისი სახელის ხსენებითაცა, ამბობს ნატვრით ერთი ძველი ბრძენი. ამისთანა ბედნიერი ხართ თქვენ, საცა გინდა ბრძანდებოდეთ. იყვენით კვლავაც ესე ბედნიერი ჩვენდა თავმოსანონებლათ და ნუ მოაკლებთ თქვენს ლოცვა-კურთხევას თქვენს ღვანღს, თქვენს საყვარელს ქვეყანას, ერს. თქვენს სიყვარულს თქვენი საყვარელი ქვეყანა, საცა გინდა ბრძანდებოდეთ, არ დაივიწყებს. ადიდე კვერთხი ესე, და წარიყვანე ერი შენი გზასა სიმაართლისა და სარწმუნოებისასა.

„დაგვლოცე და შენის მაღლიანი ხელით გვაკურთხე შენი მაღლობელი და შენ მიერ ღვანღ-დებულნი.“

კიდევ უნდა ვთქვა რამე?! არა მგონია!

„მატიანეს“ ახალი გვერდი უნდა „ჩამოვსკროლო“.

გიორგი კილაძე

„ფეხზე დაგიდგები ჩემო საქართველოვ!“



რაჭის ლამაზ სოფელ კვაშიეთში დაიბადა... ცხოვრებისა და შემოქმედების რთული გზები განვლო, საქართველოს ყველა კუთხე მოიარა და გემოვნებანი, დახვეწილი და მომთხონი ქართველი მკითხველის გული მოინადირა. მან ქართულ პოეზიაში დაამკვიდრა საკუთარი ინტონაცია, თავისთავადი, სხვა თანამოკალმეთაგან გამორჩეული ხმა. მისი პოეზიის გარეშე წარმოუდგენელია თანამედროვე ქართული პოეზია.

სამწუხაროდ, მოსწავლეებს არა აქვთ ფუფუნება, რომ საფუძვლიანად იცნობდნენ მ. ლებანიძის შემოქმედებას. თავად

სახელმძღვანელოები არ იძლევა ამის შესაძლებლობას, რაც, ვფიქრობთ, მიუტყვევებელი შეცდომაა სასწავლო მასალის შემადგენლების მხრიდან. სწორედ, ამგვარი გულგრილი დამოკიდებულება ქმნის გაუცხოებს იმ დიდ შემოქმედთა მიმართ, ვისი ცოდნაც წამალივით სჭირდება ახალ თაობას ეროვნული ცნობიერების ჩამოსაყალიბებლად.

მ. ლებანიძე ის დიდოსტატია, რომელიც მთელი თავისი გრძობითა და შემოქმედებით დაკავშირებული იყო სოფელთან. სვანეთის და რაჭის თემებზე შექმნილი ლექსები რომ განსაკუთრებული ექსპრესიულობით გამოირჩევა ეს ნათელი გამოხატულება იყო სოფელ შრომის საჯარო სკოლის VII კლასის მოსწავლეების მიერ პოეტის დაბადებიდან მე-100 წლისთავისადმი მიძღვნილი ლიტერატურულ-მხატვრული კომპოზიცია „ფეხზე დაგიდგები, ჩემო საქართველოვ!“ . პატრიოტულს ენაცვლებოდა სიყვარულისა და ქალის თემებზე შექმნილი ლექსები. როცა გალაკტიონ ტაბიძის შთაგონებით გაცოცხლებულ პოეტურ სტილით ვისმენდით, წარმოუდგენელი იყო, არ გაგვეზარებინა ის ფაქტიზი დამოკიდებულება მურმან ლებანიძის

ეს „პოეზიის მეფესთან“ რომ აკავშირებდა, უხილავი ძაფებით აბამდა.

მოსწავლეებმა ანდრია მალასიძემ, სანდრო ძნელაძემ, ცოტნე გუჯაბიძემ, მიხეილ მჭავიამ, კესარია მექოშვილმა, ნიკოლოზ ხომერიკმა, ქრისტინა მუკუტაძემ, გიორგი სარდლიშვილმა, თამარ ლალიძემ, დავით კუტალაძემ და ასევე ეკალდიდის შერწყმული სკოლის VII კლასელებმა ლიზა და ზალიკო ფუტყარაძეებმა არა მხოლოდ დეკლამირებით გამოიჩინეს თავი, გააცოცხლეს პოეტის სახე, შეეხერ მისი ცხოვრების საინტერესო ეპიზოდებს, მოგონებებს, ომგამოვლილ და ნამეხარი მამულიშვილის განცდებს, პირად, ადამიანურ ტკივილებს. საინტერესოდ ისაუბრეს მ. ლებანიძის შემოქმედების მრავალფეროვან თემატიკაზე, ასევე მის მთარგმნელობით მოღვაწეობაზე.

საკლასო ოთახი ესთეტიკურად იყო მორთული. პოეტის პორტრეტი და ლექსების შთაგონებით შესრულებული ნახატები ქმნიდა ლამაზ, პოეტურ გარემოს, ემოციურსა და ამაღლებებელს.

ლონისძეებმა მოამზადა ქართული ენისა და ლიტერატურის მასწავლებელმა რუსუ-

დან ცეცხლადემ გოგონათა ანსამბლ „ოცნების“ (ხელმძღვანელი, მუსიკის მასწავლებელი ნინო ჩხაიძე) სოლისტებმა: კესარია მექოშვილმა, ლინდა ნადირაშვილმა, ქეთი აცანელიძემ, ანანო ჩხიტიანიძემ, გვანცა ხვედელიძემ, ნინო მახარაძემ, თათია გულიაშვილმა იმდერეს „მელიქიშვილის გამზირი“ და „გაზაფხული შემოსულა, ღენ“ და ბოლოს ითქვა, რომ 2002 წელს ეს საწუთრო დატოვა უპირველესმა მოქალაქემ და მამულიშვილმა, თანამედროვეობის თვალსაჩინო პოეტმა-მოაზროვნემ მურმან ლებანიძემ... მაგრამ დიდი პოეტი როდის იყო უკვალოდ ქრებოდა! მურმან ლებანიძე, მისი ფესვმაგარი პოეზია კვლავ განაგრძობს სიცოცხლეს... ეს არის დაუსრულებელი არსებობა!... ეს მარად ცოცხალი პოეზია გვაფხიზლებს და გვაძხვრებს ეს სოფლები: ეს ლიქოკი, ეს არხოტი, ცარიელა ეს პარტახი საიგავო,

მეშინია, ეს სამოთხე, ეს წალკოტი სხვა არაეინ მოვიდეს და დაიკავოს.

მამ, გიყვარდეთ, გაუფრთხილდით და მოუარეთ საქართველოს!

გაზეთ „ალიონის“ რედაქცია

იური სიორიძე – მაგალითი იმისა, თუ როგორ უნდა განვლოს ადამიანმა წუთისოფელი



ალიონი. 28 დეკემბერს 30 წელი შესრულდა ოზურგეთის ყოფილი უფროსის **იური სიორიძის** გმირული დაღუპვიდან.

როდესაც იყო გასული საუკუნის 90-იანი წლები საქართველოში. 1991-92 წლების დეკემბერ-იანვრის სამოქალაქო ომის შემდეგ ქვეყანაში კრიმინოგენური მდგომარეობა კიდევ უფრო დამძიმდა. ამ დროს ოზურგეთის პოლიციას გამოცდილი იურისტი იური სიორიძე ხელმძღვანელობდა. ბევრ ოზურგეთელს ახსოვს იმჟამინდელი პოლიციის წინსკვერში, ასეულობით ოზურგეთელის წინ პოლიციის უფროსის სიტყვები: **„ან წესრიგს დავამყარებთ ოზურგეთში, ან შევნივრები ამ ბრძოლაში.“** მართლაც, ძალიან მალე, 1992 წლის 28 დეკემბერს, მდინარე ჩოლოქის პირას ბანდიტებთან ბრძოლაში შეენირა მისი სიცოცხლე. მასთან ერთად დაიღუპა მისი თანამებრძოლი, ოფიცერი **ნუკრი სეფერთელაძე** და მიიმედ დაიჭრა რამდენიმე პოლიციელი.

მისი და მისი თანამებრძოლების პატივსაცემად ყოფილი პოლიციის წინ, სკვერში გაკეთდა მემორიალი, დაიდგა მისი ბიუსტი.

სიკვდილის შემდეგ დააჯილდოეს ვახტანგ გორგასლის მედლით. იური სიორიძის სახელი მიენიჭა იმ ქუჩას, სადაც იგი ცხოვრობდა. ასევე, მისი მშობლიური სოფლის – კონჭკათის საჯარო სკოლას. ამ სკოლაში მოეწყო იური სიორიძის სახელობის მუზეუმი.

რამდენიმე წინს ნინ ჩვენი გაზეთის არქივში მივაკვლიეთ ვ. ფატრიძის (ვაჟა ჭანუყვასძის) სტატიას, რომელიც იური სიორიძის ცხოვრების ადრეულ წლებს ეძღვნება. გათვალისწინებულია ამ ნერილიდან:

„სურათზე თქვენ ხედავთ იური სიორიძეს. ხომ არ გეცნობათ? ბევრს ალბათ არც გაგიგონიათ მისი სახელი. ყველა ადამიანი ერთბაშად არ გამხდარა ცნობილი. მოვა დრო და ამ თავმდაბალ ახალგაზრდასაც უფრო მეტად გამოაჩენს მისი შრომა და საქმიანობა.“

მაღალი, წარმოსადგეი ტანის ყმაწვილია იური. მასში დაკვირვებული კაცი ადვილად შეამჩნევს ფიზიკურ ძალასაც და იმ დიდ სულიერ გულკეთილობას, რომელიც ცისფერი თვალების სიღრმიდან გამოსჭვივის. იგი შეიყვარეს კონჭკათელმა მშრომელმა და ახალგაზრდებმა საერ-

თო საქმის ერთგულებისთვის, შრომისმოყვარეობისთვის, ნდობა გამოუცხადეს და საკოლმეურნეო პირველადი კომკავშირული ორგანიზაციის მდივნად აირჩიეს.

მას შემდეგ ერთი წელი გავიდა... ჩაუდგა თუ არა იური ახალგაზრდობას სათავეში, მუშაობაც გამოცოცხლდა. იგი პირადი მაგალითით უჩვენებს სხვებს, თუ როგორ უნდა საერთო საქმისთვის ბრძოლა, დადებული პირობების პირნათლად შესრულება... თვით იურიმ, რომელსაც 0,5 ჰექტარი საყვანე ფართობი ჰქონდა მოსავლელად გაპიროვნებული, ჰექტარზე გადაყვანით 75 ცენტნერი სიმინდი მოიყვანა.

შემდეგ კონჭკათელმა ახალგაზრდებმა საინტერესო ინიციატივის აღება გადაწყვიტეს – გამოუყენებელი არ დაეტოვებინათ არც ერთი ჰექტარი მიწის ფართობი. დაამუშავეს 3 ჰექტარი ყამირი და ნასვენი მიწა. მასზე დარგეს 1500 ძირი კაიფერას ჯიშის მსხლისა და 500 ძირი თუთის ნერგი...

კონჭკათში ახალი ძალით აჩქეფდა სპორტული მუშაობა, რასაც ერთი მხრივ იმანაც შეუწყო ხელი, რომ თვით ახალგაზრდობის ხელმძღვანელია სპორტზე შეყვარებული. იური პირველთაწრიგოსანი მოჭიდავეა. 1960 წელს დაიწყო სპორტის ამ სახეში მეცადინეობა და მალე საუკეთესო შედეგებსაც მიაღწია. იგი რაიონის მოჭიდავეთა ნაკრები გუნდის წევრია. ხშირად საუკეთესო შედეგით გამოსულა რესპუბლიკურ შეჯიბრებებშიც... (გაზ. „ლენინის დროშა“, 15 აპრილი, 1962 წ. №46).

იური სიორიძემ სწავლაშიც და სპორტშიც მალე დიდ წარმატებებს მიაღწია. თსუ-ს სტუდენტი საქართველოს მოჭიდავეთა ნაკრების წევრი იყო და სოფლის სპორტსმენთა საკავშირო პირველობაზე უკვე სპორტის ოსტატის რანგში ჩემპიონი გახდა. ამას არერთი გამარჯვება მოჰყვა თანაგუნდელებთან ერთად საერთაშორისო და სხვადასხვა ტურნირზე.

„...იური სიორიძე – ჩემი და ყველა ქართველის საუკეთესო მეგობარი და სპორტსმენი, კეთილშობილი პიროვნება. ოზურგეთის სოფელ კონჭკათიდან გახლდათ. მაღალი სიმეტრიული აღნაგობის, ლამაზი შესახედაობის, მძიმე წონის კლასიკური სტილის მოჭიდავე. ერთად ვჭიდაობდით. სტუდენტულაქმშიც ვცხოვრობდით. მრავალი წელი სტუდენტული (5 500 სტუდენტი ცხოვრობდა იმჟამად) გაერთიანებული სტუდენტთა საბჭოს თავმჯდომარე იყო. მე მე-12 კორპუსის სტუდენტობის თავმ-

ჯდომარე ვიყავი. მრავალჯეროვან ღონისძიებებს ატარებდა და სტუდენტურ ცხოვრებას მეტ ხალისს მატებდა. მოსიყვარულე, თბილი ხასიათის ახალგაზრდა იყო. იურიდიული ფაკულტეტი დაამთავრა. თბილისში მუშაობდა. შემდეგ თავის მშობლიურ რაიონის მახარაძის – ოზურგეთის მილიციის უფროსი, პროკურორი, მიუხედავად ასეთი ძალოვანი სტრუქტურის მაღალჩინოსანი იყო, ყველა პატივს ცემდა და აფასებდა. ნაძირლების ბანდიტების დაპატიმრებისას ააფეთქეს... და საქართველოს ულამაზესი სულის პატრონი ქართველი გამოაკლდა. ნათელში ამყოფოს მისი სული უფალმა. ამინ!“ – ასე იხსენებდა იური სიორიძეს მისი სტუდენტობის მეგობარი საქართველოს სამხედრო-სამედიცინო აკადემიის სამედიცინო სამსახურის გვარდიის პოლკოვნიკი **იური გალდავა**.

1992 წელს იგი საქართველოს ნაკრებთან ერთად თურქეთში დიდ საერთაშორისო ტურნირზე გამგზავრა. მისი თავკაცობით დამოუკიდებელი საქართველოს ნაკრებმა გუნდმა პირველ დიდ წარმატებას მიაღწია... მისი გარდაცვალების შემდეგ მისი ხსოვნის პატივსაცემად ოზურგეთში მისივე შექმნილ საჭიდაო კლუბში „ფალავანი“, სადაც არაერთი სახელოვანი მოჭიდავე აღიზარდა, გაიმართა იური სიორიძის სახელობის რესპუბლიკური ტურნირები, რომლის სტუმრები იყვნენ მისი მეგობრები – მსოფლიო და ევროპის არაერთგზის ჩემპიონები, არაერთ საერთაშო-

რისო ტურნირში გამარჯვებული სახელოვანი სპორტსმენები.

შესანიშნავი მეუღლე-ქალბატონი ლამარა არომიძე (ნათელი მის სულს), დიდი სიყვარულით შექმნილი ოჯახი. საუკეთესო შვილები – მერაბი და ზაზა, მათი ოჯახები.

მერაბი წლების მანძილზე ოზურგეთელი ახალგაზრდების ლიდერი იყო, შემდეგ სპორტის განვითარებას ხელმძღვანელობდა. გასული საუკუნის 80-იანი წლების ბოლოს მან შექმნა დამოუკიდებელი რეგიონალური ტელეკომპანია „გურია“, რომელმაც მალე დიდი აღიარება მოიპოვა. მერაბი დედაქალაქში გადასვლის შემდეგაც წარმატებით მოღვაწეობდა ბიზნესის სფეროში. სამწუხაროდ, დიდი ხანი ებრძოლა სენს, მაგრამ ნელს, გაზაფხულის ბოლოს გარდაიცვალა.

ზაზა სიორიძე – წარმატებული ბიზნესმენი და ბანკირი. 1995-2000 წლებში იყო საქართველოს პარლამენტში ოზურგეთის რაიონის მაჟორიტარი დეპუტატი, პარლამენტის საფინანსო-საბიუჯეტო კომისიის თავმჯდომარე. მიუხედავად ქვეყანაში შექმნილი მძიმე ეკონომიკური მდგომარეობისა, იგი მაქსიმალურად ცდილობდა დახმარებოდა საკუთარ რაიონს.

ასე იცხოვრა იური სიორიძე. 30 წელი გავიდა მისი ტრაგიკული დაღუპვიდან. წავიდა და დატოვა კარგი სახელი, ლამაზი ოჯახი და მაგალითი იმისა, თუ როგორ უნდა განვლოს ადამიანმა უფლის მიერ ნაბოძები ცხოვრების მონაკვეთი და თუ საჭირო გახდა, როგორ ღირსეულად დატოვოს წუთისოფელი.



სურათზე: მარცხიდან – რევაზ გობრონიძე, იური სიორიძე, იუზა რუსიძე

„დავუთმოვ მაშინ ყრუ ტკივილს მკერდს და შევამატებუი პაპის საკვალეს“...

40 სკვლიანი დღე

40 დღე გავიდა პოეტის, საქართველოს მწერალთა კავშირის გურიის ორგანიზაციის თავმჯდომარე, ჯემალ დობორჯგინიძის გარდაცვალებიდან.

„პოეტმა ფეხით უნდა იაროს! პოეტს ყოველთვის უნდა სციოდეს“-ო ამბობდი და მარლაც...ის თითქმის არასდროს ჩერდებოდა ერთ ადგილას, წვიმაში, ქარში, დარბი, ავდარში... (მისი ლექსების უმეტესობა გზაში

დაინერა!) სულ ვიღაცის თანაგრძნობის ნეკროლოგებს ბეჭდავდა... არ ყოფილა შემთხვევა ეს რომ გამოპარვოდა... ყველას პატივს მიაგებდა თავისებურად, ამ საქმეს საკუთარ მოვალეობად თვლიდა...

ბუნებით უშიშარი, ოპტიმისტი, არ ეუბებოდა ბედის გამოწვევებს, ტუმცა ტკივილები სულ-გულს უწვავდა, მაინც წინ მიიწევდა, სწამდა, რომ უფალი არ ტოვებდა განსაცდელში...



კალამს თითქმის არასოდეს დებდა... ეს იყო მისი წამალიც და შვებაც... „გაცრეცილ სახეზე ჩამოსული ცრემლები უბეს უესებდა“...

არცა ვარ როგორც კაჟი, არც მაღალი მაქვს ერდო, ჩემი სწული ვაჟი გადამირჩინე ღმერთო!... სიკვდილი არარად მიაჩნდა, მხოლოდ, სამშობლოს ტკივილი და სევდა თან დაჰყვებოდა მუდამ...

სამშობლო და დედა ერთნაირი სიყვარულით უყვარდა „ამის მოწმეა ღმერთი“... იის გორამ მოიწყინა, შენი ბავშვობის და სიცოცხლის ბოლომდე შთაგონების ადგილმა...

„როს გამოსტაცებს ქარი, ვით ფოთოლს, გადაყვითლებულს ზამთრის სიზმრები, თმაში სიბერე ფანტელს რომ მოთოვს, „დავუთმოვ მაშინ ყრუ ტკივილს მკერდს და

შევამატებუი პაპის საკვალეს... ჩემი გრძნობების, წყაროვ და დედავ, ჩემო მამულო, შენ გენაცვალე!!!“ „მაღალ მთებიდან მამულს ვუგალობ“... ახლა ზეციდან, უფრო დიდი სიმალიდან უგალობ შენს სათაყვანებელ საქართველოს „იადონო, მგალობლო, იადონო – გაიდონა!“


მანანა ხაჯიშვილი



მრავალჯამიერ ახალსა წელსა!!! მშვიდობით,ლხინით,ხვავითა და ბარაქით შემოსულიყოს 2023 წელი ყველა თქვენთაგანის ოჯახში

მანანა ერქომაიშვილი,


სურსათის ეროვნული სააგენტოს გურიის რეგიონული სამმართველოს უფროსი



ჩემს ძვირფასს ოზურგეთელებს ვულოცავ დამდეგ შობა ახალ წელს. სიხარული, სიკეთე, ჯანმრთელობა, ბედნიერება და მშვიდობა მოეტანოს თქვენთვის 2023 წელს.

მაკა ჭყონია,

მუნიციპალიტეტის სკოკოლანდე-ლი აღზრდის ცენტრის დირექტორი.



გილოცავთ დამდეგ შობა ახალ წელს. გისურვებთ ეს წელი ყოფილიყოს მშვიდობის, დასახული მიზნების მიღწევისა და სიხარულით სავსე ცხოვრების მომტანი წელი

ბელა აროშია,

ოზურგეთის მუნიციპალიტეტის საკრებულოს თავმჯდომარის მოადგილე.



ჩემო ოზურგეთელებო, გილოცავთ დამდეგ 2023 წელს. გისურვებთ ეს წელი ყოფილიყოს აღმშენებლობის, წინსვლისა და წარმატების წელი.

კაკლა ჭყონია,

ოზურგეთის მუნიციპალიტეტის მერიის საფინანსო-საბიუჯეტო სამსახურის უფროსი



ოზურგეთის მუნიციპალიტეტის მერიის „შპს სატრანსპორტო კომპანია“ გილოცავთ დამდეგ შობა-ახალ წელს!



აფთიაქი „სალბი“ გილოცავთ დამდეგ შობა-ახალ წელს!



შპს „ვასადის პური“ გილოცავთ შობა-ახალ წელს!



შპს „აისი+“ ოზურგეთის ავტოსადგური გილოცავთ შობა-ახალ წელს!



სააქციო საზოგადოება „იმედი“ გილოცავთ დამდეგ შობა-ახალ წელს და გინვეთ საახალწლო ვაჭრობაზე!



მაღაზია „კარგო“ გილოცავთ შობა-ახალ წელს!

7 დღის ამინდის პროგნოზი

მზა, ღრუბელი +15+25 29 დეკემბერი ხუთშაბათი	მზა, +1+9 30 დეკემბერი პარასკევი	მზა, 0+10 31 დეკემბერი შაბათი	მზა, +1+7 1 იანვარი კვირა	მზა, +8+13 2 იანვარი ორშაბათი	მზა, +3+16 3 იანვარი სამშაბათი	მზა, ღრუბელი +5+17 4 იანვარი ოთხშაბათი
---	-------------------------------------	----------------------------------	------------------------------	----------------------------------	-----------------------------------	---